



Per cunseglis da scola, direcziuns da scola, persungas da contact e d'instrucziun (incl. scoligna)

Info 2013/14
2

Attestat: www.av.s.gr.ch

Igl inspecturat da scola ò igl davos taimp infurmo tot las scolas tar la nova lescha da scola e chegl surtot sur da las *directivas concernent igls attestats e la promoziun*. *Exaimpels davart rapports d'amprender* scu er *explicaziuns tar igl attestat* stattan a disposiziun sen la pagina d'internet. Igl *access sen la pagina d'internet cantunala per stampar igls novs attestats* vign scu usito do liber sen l'anschatta da schaner 2014. Per seiras da genitours u otras occurrenz d'infurmaziun tar la lescha da scola metta igl inspecturat districtual gugent a disposiziun folias adattadas.

Purscheidas per promover talents spezialas: www.av.s.gr.ch

Art. 51 da l'ordinaziun tar la lescha da scola obliescha igls purtaders da scola da porscher tar en basign davart las/igls scolarAs purscheidas per promover talents spezialas. La promoziun agl rom da las purscheidas spezialas ò schi ensacu pussebel da succeder durant igl taimp da scola regular. Igl purtaders da scola pon per metter anturn igl basign erua er incumbensar terz, scu per exaimpel scolas spezializadas u purscheiders privats. Per far adiever da chellas purscheidas ègl betg d'inoltrar dumondas da congedi. Tenor art. 43 da la lescha da scola sa trattigl tar chellas purscheidas da maseiras *da la pedagogia speziala*. Per la realisaziun e finanziaziun da chellas èn igls purtaders da scola respunsabels. Tenor *art. 14 alineia 1 lescha da scola* èn chellas purscheidas gratuitas per igls genitours.

Perancunter po neir pratandia digls genitours ena contribuziun adequata per **purscheidas supplementaras**, per las calas i dat nigra obligaziun davart digl purtader da scola. Sur da la somma da la contribuziun decida igl purtader da scola.

Instrucziun privata (*varda lescha da scola art. 16 anfignen 19*) e classas da talents (*varda lescha da scola art. 38*) totgan betg tar las maseiras simplas per scolarAs cun talents spezialas.

Adiever da Social Media: <http://www.social-media-lehrperson.info>

Las organisaziuns tetgalas da las persungas d'instrucziun da la Svizra, Austria e Germania òn sviluppo en manual survasibel, tgi daclera bagn igl adiever da Social Media e tgi mossa se bagn scu tgi las scolas son eir anturn cun chel tematica.

Igl *manual gratuit* mossa a las persungas d'instrucziun ed agls magnascolas divers cumportamaints an la reit sozia e configuarziuns da computer.

Determinaziun protecziun da datas: <http://sfib.educa.ch>

Transmetter datas da scolaras e scolarAs a purscheiders da paginas d'internet è fitg difficila. La SFIB (Schweizerische Fachstelle für Informationstechnologien im Bildungswesen) ò per chel intent do or *en ageid tar la tematica* risguardond la perscripziuns legalas.

La realiazziun da la promoziun integrativa, la collaboraziun an teams multiprofessionals u l'instrucziun an classas eterogenas èn puncts centrals da la nova purscheida FSI. La scola ota da pedagogia Grischuna (SAPGR) organisescha chels curs an incumbensa digl uffezi da sola e sport. Iglis curs da FSI d'en de son neir modifitgias ed adattos an ena curvegna prematurada a las fegnameiras da la scola locala per tgi correspondan agl stand actual digl svilup da la scola. Da nov porscha la FSI en modul da persistenza, en curs tgi profundescha cuntigns ed amprenas experientschas fatgas digl curs absolvia.

Survista da la purschida da curs: 15 curs

INSTRUCZIUN	INTEGRAZIUN E COLLAURAZIUN	SINGULARITADS DAL CUMPORTAMENT		MODUL DA DURABILITAD
●			1. PLANISAR IN'INSTRUCZIUN CHE S'ORIENTESCHA A LAS CUMPETENZAS →	N1
●			2. ANALISAR E SVILUPPAR CUMPETENZAS →	N2
●	●		3. AMBIENTS D'EMPRENDER E PENSUMS LIBERS →	N3
●	●		4. EMPRENDER CUN SCUVRIR →	N4
●	●	●	5. COACHING D'EMPRENER →	N5
●	●	●	6. PROMOZIUN DA TALENTS →	N6
●	●	●	7. BASAS DA LA PROMOZIUN INTEGRATIVA →	N7
●	●	●	8. INTRODUCZIUN EN LA PLANISAZIUN DA LA PROMOZIUN COOPERATIVA →	N8
●	●	●	9. PLANISAZIUN DA LA PROMOZIUN CUN IL PLANISADER WEB →	N9
●	●		10. COLLAURAZIUN EN CUMINANZAS D'EMPRENDER PROFESSIUNALAS →	N10
●	●		11. TEAMTEACHING →	N11
●	●	●	12. MANAR INA CLASSA E DISTURBIS ENTAIFER L'INSTRUCZIUN →	N12
●	●	●	13. CUMPORTAMENT PROVOCANT →	N13
●	●	●	14. IR ENTURN CUN SCOLARAS E SCOLARS AGRESSIV(A)S →	N14

Las descripciuns detagliadas dals curs chattais Vos sut www.phgr.ch/schiwe

IPPI – Introducziun an la professiun per persungas d'istruzziun: www.av.s.gr.ch

Igl nov *concept Introducziun an la professiun per persungas d'istruzziun* sustigna cun ena vasta purscheida principantas e principants. Igl concept sa drezza a persungas d'istruzziun an igl ampren onn da sarvetsch, a talas tgi aintran an igl sarvetsch siva d'ena interrupziun da tschintg onns ed a persungas d'istruzziun sainza la correspondentia qualificaziun an igl scalem da lur ampren onn da scola (p.ex. scolast primar an igl scalem secundar I).

Las principantas ed igls principants vignan sustignias a moda intensiva per saveir dominar bagn las pretensiuns digl rom e persunalas an la fasa da cumainzamaint. Igl sustign dess succeder cun pac taimp impundia, igl dretg mument e cun en sustign intensiuono. Lotiers ò igl *mentorat* agl li da scola ena rolla centrala. Persungas d'istruzziun cun aglmanc treis onn experientscha professiunala pon sustignair principantas scu mentour/a cun en paiamaint cantunal durant igl ampren onn d'accum-pognamaint.

	OFFERIDER	OFFERTAS DA SUSTEGN
CENTRAL 	Scola auta da pedagogia Cuiria	Offertas da perfecziunament facultativas per principants
REGIONAL 	Servetsch psicologic da scola	Cussegliaziun individuala concernent uffant e classa
LOCAL 	Inspecturat da scola	Occurenza da partenza Cussegliaziun da l'istruzziun
	Direcziun da la scola	Introducziun al plaz da lavur Direcziun dal persunal
	Menturat	Sustegn situativ en il mintgadi d'istruzziun e da la scola

maletg: IPPI Grischun – purscheida orientada agls basigns per l'antrada an la professiun

Convegns da mentorat èn d'inoltrar anfigen igls 20 da november 2013 agl inspecturat districtual.

Mutaziun an igl inspecturat

Fredy Tischhauser, inspecter da scola an igl district Plessur – Grischun central, è nia eligia scu correctour a la scola professiunala artisanala S.Giagl. Igl aprem favrer 2014 vign Jachen Buchli, da preschaint manader da scola e scolast secundar a la scola da Tgazzas, a surpiglier igl pensum d'inspecter da scola an igl district I. Nous givischagn a tots dus ena bunga antschatta an lur nova funcziun!

Cun amicabels saleids, Andrea Caviezel, manader inspecturat cantunal